

夢

林

玄

解

夢林玄解叙

謂夢幻乎。一人一物一事一境。寢而見焉。覺而憶之。其間形象色聲。歷々可以指而數也。謂夢真乎。人人物物事事。

境境寢而見焉。覺而索之。其
間情實未盡。可以一一券而
合也。謂夢非幻乎。不必有是
人。不必有是物。不必有是事
與境。往往變亂紛錯。茫無足

憑甚者。倏歿倏生。旋天旋地。舟飛於嶮陸。鼠化爲牛龍。諸如此景。惚恍萬端。覺而憶之。寧必其得以捺之券。而罔弗合也。謂夢非真乎。夢人見是。

人。夢物得是物。事如畫作境。
若身遊。固有宛符確應。不俟
詳解而曉者。若黃帝遊華胥。
成湯見負鼎。叔孫識豎牛於
未生。趙雄虧賜鏹於前用。人。

物事境夢醒皆真諸如此類
又何不可以指數之而要其
驗也循是而知非非幻非非
真非非真而不习非非习而
不真自人有生不能無寐自

人有寐不能無夢。自人有夢。不能無占。夢占之說。非於輓近。蓋自隆古聖王。亦已作圖列職。其所從來遠矣。是故黃帝首著長柳圖經。夏后作致。

夢。商人作觥夢。有周取咸陟。
是謂三夢。三夢之別曰正夢。
曰噩夢。曰思夢。曰寤夢。曰喜
夢。曰懼夢。是謂六夢。六夢之
變。有直夢。有象夢。有因夢。有

想夢。有精夢。有性夢。有人夢。
有感夢。有時夢。有反夢。有藉
夢。有寄夢。有轉夢。有病夢。有
鬼夢。言夢。而至於變。算數莫
殫。而吉凶有辨。此占夢之官。

所自立也。大卜掌三夢具載周禮。而後春秋戰國各有卜夢之概。暨乎魏晉迭見名家。狀古法漸湮。周索之流率以詖諧滑稽之談。巧釋謬合。非

無奇中出人而占夢之術則
因是以廢沿及宋元名儒惡
言術數每每以理詮釋未免
腐迂於是併其說而幾廢矣
是占夢之家莫盛魏晉而其

道亦竟絕於魏晉矣。乃世有
解夢全書諸刻。而托諸周公。
夫托之周公。明乎謬甚。若其
所占凶吉。則又彰匕間有明
驗。意其說亦非盡出。不根。而

特無繇考厥所本云耳。余家
三世四受。

國恩藏書略具。邇自歸田。雖
簡所貯書籍。披攬消日。從、
餘、雜、集、中、偶、得、一、編、取、而、視、

之。則夢書也。繙閱過半。詫之。
曰。世亦有是書耶。何宇內寥
寥。不多見也。耶。而余先人獨
得而藏之。余今者偶得而發
之。豈神祕欲泄。故藉手於余。

耶簡端有宋學士孫奭序。撰
爲原書八卷。內圖註一卷。解
之。蘭谿道士者也。次則進
陳養吾引述此書。實晉仙翁
葛稚川真本。宋邵堯夫先生

所輯而陳公則購羅哀集而
成其大觀者也。狀原本僅有
古耳。占僅八卷。亦略而不備
者耳。竊意書遭秦炬而後
海雞林莫盛。今日而是書闕

焉亦大恨事。遂出之。與紫水
氏詳叅肆覽。復得唐雍氏所
載禳解編。及張孝廉伯起所
輯類考二書。合併錄成。仍名
玄解。而冠以夢林。卷分三十

有四。類列百五十有奇。集別
四函。一夢占。一夢禳。一夢原。
一夢徵。蓋謂無占。是無以知。
休咎也。而無禳。猶無以辟不
祥也。無原是無以探本源也。

而無徵。猶無以決信從也。此
余與紫水氏裒集成書。廣陳
公所未備之大指也。嗚呼。俾
先賢緒論絕業。顓門廢於魏。
晉者。復起今日。亦可謂用心。

良○苦○矣○夫○衆○占○非○一○而○夢○爲○
大○說○在○班○志○藝○文○自○管○聖○主○
良○臣○賢○人○君○子○人○各○有○夢○也○
各○明○占○者○指○不○勝○屈○豈○特○長○
柳○有○經○太○卜○有○掌○而○已○哉○而○

其法所以不傳者良繇姦邪
兇惡之徒畏聞凶告蒙愚在
妄之輩罔解靈機業此者既
懼以技懼罪而又以爲未易
與俗人言也夫是以相匿而

淪其術耳。今此書一出，真大
地夢覺關頭，願與天下共作。
盧生一枕，勿謂向癡人前說。
夢也。其何敢復秘？其何敢復
秘？抑余猶有夢說焉。身生兩

大○惟○是○君○父○恩○深○報○酬○開○極○
爲○人○臣○子○者○只○此○關○頭○打○破○
大○夢○覺○得○此○身○不○墮○沉○迷○檻○
阱○坑○塹○中○斯○乃○天○地○間○真○正○
大○覺○悟○人○也○良○臣○肖○子○吉○象○

易明賊子亂臣。凶妖勿卜。若
乃縊頸爲恭。剖心鳴烈。於田
泣而豫父。折檻呼而回天。其
爲吉而之凶。上而之吉。固迫
難推也。要在臣子一心實也。

肯致身竭力將寐魘魂魔盡
獻清吉矣如余今日此身雖
在畎畝而天下多故虜寇
殲報

君熱血自是蚤夜摩厲與得

長○纓○盡○繫○賊○奴○之○頸○少○効○區○
區○廻○視○

恩○逮○獲○生○時○依○朕○一○夢○未○醒○
也○爲○真○爲○幻○安○得○起○稚○川○而○
占○之○

崇禎丙子一之日穀旦東
吳閭當居士何棟如書於
來譽堂

夢林玄解凡例

一是書出自宋景祐間名圓夢祕策爲晉葛稚川本。編輯於嘉靖朝名夢書玄解爲宋邵康節本。今成於崇禎丙子之冬。蓋集前代之大成。發千古之祕藏。且彙夢如林焉。故顏曰夢林。而玄解則仍其舊云。

一總命夢林中分四帙。首著夢占。比類而編。便簡研也。次附夢禳。叅以易課。佐推準也。又次附夢原。條列名言。用明理也。又次附夢徵。稽人次代。以取信也。而卷不四岐。一歸玄解。明有統也。

一夢占舊刻直叙成書。不分綱目。未便尋覽。必如俗本。編

成韻語。反失先賢之旨。以故不拘字句。隨夢短長。或逐夢提綱。或一綱數夢。或每兆幾占。或一占幾兆。或有占而卽附以驗。或載驗而不贅以占。其間詳略損益。互有淵源。大約出於新增者什之三。宗於舊本者什之七。剖別部類。聊供流覽。領會貫通。自在靈心。

一夢禳之義。起於周禮。而判決嫌疑。復參周易。其說以省躬修德爲主。而呪勅次之。符鎮次之。藥物解厭又次之。載若星辰之寥落。覽如日月之昭明。辨信心者。積至誠以行之。自無不驗。

一夢原。凡先朝聖哲。歷代名賢。互有聞宣。其或視爲虛幻。

寓言無夢等語。概置不錄。茲所採者。上自素問。六經。二
十一史。六子。百家而外。下逮魏晉唐宋名公之集。苟有
與夢發明者。無不次第編輯。若乃裨家悠謬。宜淫不根。
亦無取焉。務令攬之者。信聖賢之言。而益信占夢之術。
厥有自來云爾。

一夢徵分門別部。而門部之內。又復類分。如天象部。天先
于日。形象部。首先于項之類。類中各以世代先後列之。
其世代不甚相遠者。則先正史而後諸家。大要與夢占。
一編相爲表裏者也。又有若芻狗鴛瓦。赤犬化龍之解。
雖非實事。亦係想因。且紀載有據。故特存之。至于

本朝諸事俱採之吾學編。皇明通紀。明興雜記。孤
樹哀談諸書皆先此已經刊行者矣。

來譽堂闇當居士識

稚川葛仙翁傳略

葛洪字稚川丹陽句容人少好學家貧躬自伐薪以貨紙墨夜輒寫書誦習遂以儒學知名爲人木訥不好榮利閉門却掃寡交游時或尋書問義不遠數千里崎嶇冒涉期於必得遂覽究典籍尤好神仙導養之法咸和初司徒王導選爲散騎常侍領大著作洪固辭不就以年老欲煉丹以祈遐壽聞交趾出丹求爲勾漏令帝從之遂將子姪俱行至廣州刺史鄧嶽留不聽乃止羅浮山鍊丹在山積年優游閑養著述不輟其自序曰洪體乏進趣之才偶好無爲之業假令奮翅則能陵厲玄霄騁足則能追風躡景猶

欲戢勁翮於鶴鷁之群。藏逸迹於跛驢之伍。又况大塊稟我以尋常之短羽。造化假我以至驚之蹇足。自卜者審不能者止。豈敢力蒼蠅而慕冲天之舉。策罷鼃而追飛兔之軌哉。是以絕望於榮華。志安乎窮圯。藜藿有八珍之甘。蓬蓽有藻梲之樂也。世儒徒知服膺周孔。莫信神仙之書。不但大而咲之。又將毀謗真正。故余所著之言。內外凡一百一十六篇。雖不足藏之名山。且欲緘之金匱。以示識者。自號抱朴子。博聞深洽。江左絕倫。著述篇章。富於班馬。又精辨玄。績。析理入微。後忽與獄疏云。當遠行尋師。刻期便發。獄得疏。狼狽往別。而洪坐至日中。兀然若睡而卒。獄至。遂

不○及○見○年○八○十○一○視○其○顏○色○如○生○體○亦○柔○軟○舉○尸○入○棺○輕○
如○空○衣○蓋○尸○解○得○仙○云○

史贊

稚○川○束○髮○從○師○老○而○忘○倦○紬○奇○冊○府○總○百○代○之○遺○編○
紀○化○仙○都○窮○九○丹○之○秘○術○謝○浮○榮○而○捐○雜○藝○賤○尺○寶○
而○貴○分○陰○游○德○棲○真○超○然○世○外○全○生○之○道○其○最○優○乎○
書評

葛○洪○元○帝○時○累○召○不○起○止○羅○浮○山○鍊○丹○著○書○名○抱○朴○
子○誕○褻○不○可○爲○訓○然○其○雜○撰○甚○富○博○聞○深○洽○紆○徐○蔚○
茂○亦○奇○士○也○使○舍○是○而○學○六○藝○夫○孰○禦○之○哉○

圓夢祕策叙

混沌大夢也。此夢一破。乾開
坤奠。而人生其間。蓋自天地
生人而混沌之夢始大覺也。
矣。恒惟精氣絀縕。男女化成。

人在胎孕之中。何分晝夜。何
辨啖靈。何知寢寤。猶混沌焉。
十月墮地。如夢斯覺。而曉者。
以謂人生大夢。正從茲起。何
則。赤嬰之未孩。而在懷保也。

浹旬彌月。適比自眠。口頤肩
宇間。若有所喜而欲咲。若有
所苦而欲啼。無苦無喜而啼。
咲之景形於面。顏謂非夢。觸
而然哉。爲父母者。誠慈愛護。

睹其欲咲知必有所自喜睹
其欲啼知必有所自苦非咲
非啼而已懸解其有忻喜有
困苦得以與之安而去其不
便者謂非占夢之概而何哉

狀妖祥之狀。子不能言。趨避
之機。親無容告。曰。故其禍福
永殤。一聽諸造物之所位署。
而弗克挽回。於戲。豈獨小兒。
啼咲。準之人事。凡妖祥兆夢。

其示人趨避亦何莫非夢中
啼咲等也特弗能誠求其所
以忻喜困苦卽欲與之安而
去不便不得耳古先聖人憂
之於是乎著爲占經立爲占

官○務○使○天○下○萬○世○說○夢○者○盡○
如○赤○嬰○之○欲○啼○欲○咲○圓○夢○者○
盡○如○父○母○之○求○喜○求○苦○則○凶○
妖○罔○不○避○吉○祥○罔○不○趨○生○人○
之○倫○胥○登○大○覺○路○矣○假○令○群○

生無夢。神魂莫交。推察無詹。
先幾弗炳。縱有妖祥。趨避之
倪。彼造物者。其能勅鬼神於
白日昏宵。呼人人而面告吉
凶哉。必不狀矣。是故夢之有。

占也。占之有官也。不自近世。
昉也。長柳有經。作於軒轅掌。
眡有官。設自周室。歷代以來。
六籍百家。史紀稗說。夢不勝。
載。占不一家的。的考佐。非如。

詭○妄○奇○袤○惑○世○誣○民○之○說○之○
類○也○奈○何○世○數○漸○遠○前○聖○之○
典○旣○淹○顓○業○之○傳○又○鮮○於○以○
求○全○書○擅○技○耳○目○罕○及○矣○
雖○蠢○愚○自○正○業○而○外○凡○醫○藥○

星算。箸占風鑑。與夫稗官雜
載之書。於乞骸之後。無不一
一。寓攬焉。獨恨占夢之經闕。
狀。寓內圓夢之術。未見其人。
狀。尚徐徐姑俟之也。歲甲戌。

仲秋之望。於山居中。召二三
老友。促席論心。停杯問月。夜
分。酩焉入醉。披榻就寢。恍惚
見戎服力士。授愚一丸。迫而
吞之。遂覺胸膈刺痛。旬月之

間○幾○至○危○革○迷○昧○中○忽○前○力○
士○倉○遽○入○戶○持○刃○刺○胸○鏗○狀○
有○聲○火○光○迸○散○淋○汗○如○澍○而○
寤○迺○一○夢○也○自○爾○霍○然○病○已○
夫○吞○丸○似○愈○疾○也○而○覆○以○成○

疾刺膈似戕生也。而因以迴生。夢之。列示占之。微幾略可。信矣。緣愈益恨其經其術之。不傳。迺刻意購求。間得一二。小帙。非俚辭陋解。則皆膠柱。

刻舟之說。必非古先聖人之
指。而莫慰於懷。丙子春二月。
偶經蘭溪道上。遇一羽衣負
大篋。畫地爲肆。賣符拆字。大
言曾受異傳。遂揖而進之。告。

之○曰○道○士○固○多○奇○亦○解○圓○夢○
乎○果○有○術○否○乎○羽○衣○悞○應○曰○
法○廢○久○矣○老○者○胡○爲○獨○訊○及○
此○寧○亦○有○心○茲○事○也○請○問○何○
如○愚○會○其○意○廼○要○與○歸○舟○究○

問所以羽衣具言某自弱冠
棄家雲水天下垂二十年獲
遇一叟蒼顏偉幹僑居廬山
石室中修真辟穀私竊恠之
遂進執弟子之禮傾心折節

者三載。叟忽謂某曰。汝骨近
凡。非我侶也。將去汝。惜汝勤
事有日。無以爲贈。秘書三策。
人間久缺。汝敬珍之。可以立
名。毋妄洩。授之匪人。徒被

譴耳。啓所示書一策。則以拆
字占人休咎。一策。則以書符
療人疾苦。其一策。是爲圓夢
之訣。比某反覆求研而未究
厥旨。計夢境萬變。而推測奚

窮。或有不合。何以擅名。用不
敢以之行世。今老者獨訊及
是亮。非無心茲事者。且得其
人而傳之。藉以宣揚此道。庶
不辜先師授其之意。他無所

望也。因出其書八卷。稽首授
愚。辭舟而去。爽不能留。且驚
且喜良久。發而閱之。數四竟
策。不禁拊掌大快。曰。嗟乎。誠
精是策。而推準之擬議之。其

於凡夢之所形何非赤嬰之
夢啼夢咲若而有所難求其
於凡占之所斷何非父母之
求喜求苦若而有所不驗真
足闡先聖之既淹補人間之

久○缺○數○千○百○年○群○生○大○夢○殆○
自○此○而○得○大○覺○也○矣○豈○如○詭○
妄○奇○袤○惑○世○誣○民○之○說○之○類○
哉○意○者○上○天○閔○彼○曹○匕○藉○手○
羽○衣○轉○付○不○慧○故○洩○此○祕○密○

藏○未○可○知○也○因○思○人○身○之○在○
胎○孕○一○混○沌○也○墮○地○以○後○生○
生○死○死○一○夢○覺○也○曩○者○吞○丸○
見○兆○似○吉○而○凶○斬○膈○呈○幾○疑○
凶○而○吉○今○蚤○獲○是○書○引○伸○觸○

類洞晰厥機何至作死生喜
怖信知八卷雖未必古先聖
人之大全亦大非俚陋膠刻
之比修真老叟夫有所受之
矣道士烏識其繇來哉爽亦

烏○測○其○所○以○哉○用○不○敢○私○鐫○
金○刷○楮○敬○公○四○海○亦○與○後○之○
君○子○有○心○茲○事○者○因○其○書○而○
詳○會○變○通○焉○其○於○長○柳○之○作○
周○官○之○設○思○過○半○矣○

景祐三年四月上浣休休
老人孫奭叙於圓夢祕策
之端

夢林玄解小引

余自感夢撰為逸旨刻成已
行海內矣悼晦息而猶勞識
炊梁之誰歟妄謂卮言內外
差當枕穴醒迷迺者甲子之

春購得一書名為圓夢秘策
卷端有記曰康節先生輯則
為宋堯夫邵子之所編無疑
但未知其始于何人也卷帙
蟲銷叙識漫滅僅于占繇之

尾殘失數言。有非洪私說。委
有源流之語。又有咸康中三字。
稽諸史傳。揆厥歲元。又屬僊
翁葛稚川所著無疑矣。因循
緒以披英。遂抽萌而扶蘊。悔

前辭之多漏。悟茲理之無垠。
擷肆應之珍函。捐一成之臆。
見八卷中衷其餘。而誕漫妄。
爲訂削一書中。集其成而遺。
略。僅乃睹。全命曰玄解。亦曰。

解之有入于玄者云爾噫嘻
夫夢者心而已矣敬與肆別
乃心之善惡所繇以分占者
理而已矣吉与凶判此理之
是非所繇以辨或謂心善而

惡形于夢。理是而非。以為占。雖數有前定。事有偶然。要非。徑正醒人之說也。徑寸並有。靈關先哲。豈其欺我。併以敬。公同調。聊為逸有解嘲。

嘉靖甲子長至日應城養吾
道人陳士元識

夢占類考序

夫爲夢之說者曰想曰因而已。所謂想者以形神相接而言。若渴之夢飲。饑之夢食是也。所謂因者以形神不相接而言。若陰壯夢水。陽壯夢火是也。華胥之遊可以觀想。

蝴蝶之變。可以觀因。然叔孫穆見
牛之貌於牛未至之前。曹人得
孫疆之名於疆未生之日。則不可
盡歸之想。亦不可盡歸之因。有想
有因。何想非因。無因無想。何因非
想。因與想相乘而鈞之。爲心之動。

也。故儒先以爲從心莫如夢。又以爲夢寐卜所學之淺深。豈惟學哉。成敗利鈍。皆有可以夢而卜者。何也。動乎四體。善不善可先知。矧心爲四體之君乎。夢也者。心之機動之微。而吉凶之先見者也。心發於

機。機徵於夢。機有善惡。夢分吉凶。以機觸機。言皆先覺。是故夏作致夢。商作觥夢。周作咸陟。而周禮大卜掌之。汲冢之書其來遐矣。而瑣語十一篇。諸國之卜夢與焉。漢藝文志七略首卜夢。其說似衆占非。

一而夢爲大甚矣。夫占之莫良於夢也。迨至魏晉代有名家沿及宋元無復留意。甚則籍肆托名周公。夫周公有書不傳。周禮而別爲一書。有是哉。且夢有兆同而殊應者。亦有兆殊而應同者。乃刻舟而求。

雷煥之劍膠柱而鼓湘靈之瑟。是
讀周宣於父書。徵管輅於緒論。立
趙直於斷簡。坐宋壽於殘編。將以
稽疑而疑益生。將以辨惑而惑滋
甚。又安能因黃熊而復夏祀。緣青
蠅而戴昌邑哉。不佞曩歲大病。鑒

工歛手以發夢而愈。乃惟先哲之
秘術。雖乏真傳而已。驗之陳跡。可
以考見。于是原始六經。歷稽諸史。
系之群籍。旁及稗家。無論時之遠。
近。人之華裔。凡有徵於夢者。罔不
擇而採焉。命之曰夢占類考。比類

而從各有條目。則取法於劉向之
洪範五行傳。參紀錯糅。適於事用。
則取法於王景之大衍玄基。差有
稽實待虛之意。不無援古證今之
益。引而伸之。觸類而長之。庶幾哉
衛玠有疾。而無疾索。統無書。而有

書無俟求夢記於華陽而夢可卜也。若乃夢凶而得吉。夢吉而得凶。則休咎無常。敬肆不一。亦存乎其人耳。

萬曆乙酉春日凌虛外史張鳳

翼書

夢林玄解卷之首

占繇

凡十三條

觀天地之會

如分至有節建厭有位春秋之中曰分二分之日日出卯入酉晝行地上夜行地下皆一百八十二度半強故晝夜長短同也冬夏之中曰至夏至者陽極之至陰氣始至日北至日長之至日影短至也冬至者陰極之至陽氣始至日南至日短之至日影長至也建厭者日辰所會也斗柄所建爲陽建正月寅二月卯三月辰順數也日前一次爲陰建正月戌二月酉三月申逆數也陰建卽月厭也厭對

者正月辰二月卯三月寅亦逆數也四月陽建於巳破於
亥陰建於未破於癸是爲陽破陰陰破陽故四月有癸亥
十月有丁巳皆爲天地交會之辰也占夢者必考於其會
始能按候而定吉凶

辨二氣之乘

如制伐陰義專及王相亥休囚也幹尅支曰制支尅幹曰
伐幹生支曰陰支生幹曰義幹支比和曰專幹者王所勝
干也者死相所勝者囚故春則木王火相土死水休金囚夏則
火王土相金死木休水囚秋則金王水相木死土休火囚
冬則水王木相火死金休土囚也旺者占夢者必究幹支
旺也

生尅之情五行勝敗之實而後可迎其氣以詳之

審三辰之象

如宿舍輪轉及五星所行合散犯守陵歷闕拍彗孛飛流與日月薄蝕暈適背鏑抱珥垂蜺之類也宿舍者正月日躔姬訾於辰在亥二月日躔降婁於辰在戌之類而二十八宿輪環於日辰曆七元而始周也五星同舍曰合變爲妖星曰散寸以內光芒相及曰犯居其宿曰守相冒而過曰陵經之曰歷相擊曰闕相偏曰拍光芒偏指曰彗氣四出曰孛自下而升曰飛自上而降曰流也日月無光曰薄虧毀爲食日旁稜氣曰暈將食先黑曰適形如背字曰背

形如玉鑄曰鑄氣向日曰抱形點黑曰珥虹雄曰垂音雌
日蜺也占夢者必探宿舍所臨而五星之變日月之異皆
不可不精察以爲推者也

貴賤有別

帝王有帝王之夢臣宰有臣宰之夢聖賢有聖賢之夢常
人有常人之夢以至工賈商農與臺廝僕則有工賈商農
與臺廝僕之夢窮通榮辱成敗虧盈各緣其人而爲推測
不得以至卑至賤者乃妄以尊貴之象加之耳

邪正有分

凶人獲吉夢夢則吉矣德不足以當之雖吉亦凶胡可幸

也。吉人獲凶夢。夢則凶矣。天必有以佑之。雖凶亦吉。猶可避也。至如中懷惡意。夢得吉占。是必所以速其禍。寔抱仁心而反懼凶兆。是必所以玉其成。君子當察人之爲邪。爲正。爲邪中之正。正中邪之邪。則吉凶如列。瞭禍福如隨影也。

吉凶有概

凡夢鮮美開明之象。皆吉。污穢傾晦之象。皆凶。優俳戲弄之類。雖吉。成虛妖異幻妄之事。雖凶。必散。若天清日麗。宮宇莊嚴。服飾新整等類。吉徵也。或天清而忽黯。日麗而忽昏。宮宇服飾初完好而忽頽敝。則吉裡藏凶。若塗澤水濁。形體臭穢。艸木枯槁等類。凶朕也。或塗澤而忽開。水濁而

忽澄形體艸木污朽而忽鮮潔則凶中帶吉以至吉之爲
虛凶之可散占夢者皆當以類推之毋庸執泥

敬肆有端

禍兮福倚福兮禍伏天道無常惟人自召故夢瑞而德益
修者福必臻夢瑞而縱恣者福轉爲禍矣夢妖而驕益甚
者禍必成夢妖而戒懼者禍轉爲福矣故夢之妖瑞視乎
其人之德不德召感幾微轉移呼吸不可不慎豈執經而
論哉

夢變

凡一夢而種種傳變如俄見白日日出忽雨纔得懽笑笑

者隨泣方登山而泛舟乃舟行陸地頃立地而升天若天
包我闔又如一寢之夢或屢遷多化或屢夢不更或百物
代至數事一時夢固多端記宜全備倘夢者不能詳其前
後述其始終故占有不中非占者過夢者過也或夢審矣
而占者不能連類博觀精叅通變故占有不驗非經之陋
乃說之陋也是故占夢者必求其備審其變稽其徵候內
考性情外推王相庶幾凶吉之符無毛髮之爽云

夢寄

凡見夢而互相徵應如他人之夢忽見諸我已身之夢反
見於人故臣有忠良主得之夢子有賢貴親得之夢夫有

榮顯妻得之夢人有窮達友得之夢或共寢而夢各異或
隔絕而夢寔同逮至久不相見素不相識遠不相及之人
本無緣感突如托夢甚有神靈昭現英魂嚀誠凡此之夢
皆宜精詳細究得之意象之先乃可推其奧渺也

夢有不占占有不驗

不占有五神未定而夢者不占妄慮而夢者不占寤知凶
阨者不占寐中撼病而夢未竟者不占夢有終始而覺佚
其半者不占寤知凶阨覺而既知夢之凶兆不可強不驗
有五占夢之人昧厥本原者不驗術業不專者不驗精誠
未至者不驗削遠爲近揉大爲小者不驗依違兩端者不

驗夢本遠而強以近夢本大而強以小是謂削揉也前以爲吉而後以爲凶既信其凶而後疑其吉是爲依違也
是非剖宗領竅何由洞本晰幾雖古法盡存尚難盡測故
先師嘗戒數占

夢無晝夜必有吉凶

凡人覺而興也形役寐而寢也神遊形有興寢神有歛觸
歛則無夢觸則夢成古今一晝夜也晝夜一息也固有辨
乎形神必無分於晝夜占夢者勿異視焉

怪異無占尋常有驗

如所夢之兆雖奇誕可驚而原其情事真屬荒唐迂謬者
經固無占強占不驗又如夢甚平常似無足異而究其根

由度其時勢。非無關係者。經縱無文。比類而推。則亦有驗。不可忽也。

仙神靈秘。未可妄占。

凡泛常之夢。不必用占。惟精誠所感。神靈所告者。方爲可占。或神靈指示姓名。數目文字。器皿之類。如天機微露。不盡洩漏者。必俟後應。乃見靈驗。雖善占之士。不可妄占。姑識始末。徐以待之。又或冥冤報復。夢旣無象。機難懸揣也。

舊本此句下。有云。此以長其從來云。

玉璫輝遺

有引

晉叔微索 統述

余間占夢占輒假中聞者異之太守陰公

陰守諱潛從

問占書告之曰曩入大學得一老父爲東道主其人無所不知且匿姓氏似畸人而隱者也因從老父請占夢之術老父爲統指說遂獲審測而臆占之古法久湮實何嘗有書也乃爲略舉數言目以玉璫輝遺蓋悼長柳輝經之不傳耳

原夫大易準乎天地猶藉著以成爻

易具天地準乃先聖之經
尚須據著以成其卦爻

玉靈案於圖書必倚甲而開兆

鴻寶金書刺玉靈於珪海龜乃國家之寶亦必鑽其甲而兆見吉凶

夢何倚藉實乃魂交

莊子其寐也遇交其覺也形開

既觸欽之惟神詎禎妖之罔驗

詩謂于形則有夢欽而無醒則不夢

探其隱蹟希夷揆厥屈伸合變

幾其隱微紛離而進又難信難問一如鬼神之屈伸若陰陽之合變

靜焉有端為性兮為病動焉有本為想為因

人有稟性善夢醫藥莫療者有患虛損睡則與鬼交者又如陰氣盛則夢涉大水肺氣虛則夢見白物厥氣

客于心。則夢見丘山烟火之類。又陽病夢熱。陰病夢寒。是為病夢。凡畫有所思。夜夢其事之類。為想夢。又晝因所見。夜象其形而夢。如因牧羊而夢車益之類。為因夢。又有因無想。有想無因。又有因有想。無想無因者。不可拘一也。

精縈者。識冥冥之獨微。感化者。睹氤氲之相迎。

如孔子思周公。則夢見周公之類。為精縈之夢也。又陰雨之夢。使人厭迷。風雲之夢。使人驚飛之類。是為感夢。象幻勢而不測。旨微宵以難推。

形接者。猶可意料。理度夢則靈奇。詭誕態狀萬千。雖人世未有耳目未經者。或形現于夢中。不易測識也。此先聖窮神達化。明濁幾先。著為占經。立微深宵。實難詳審。

且如一人之夢。變傳須備。姑隨一夢之中。巔麓宜追。

有夢一而變二。有夢此而傳彼。必記之周悉。況夢又有前後起止。必追究分明。方可決斷。

前審萌朕之平奇後答應徵之迪逆

啓言察

平常怪異夢各不侔故應驗徵符吉凶亦別

靈閔茲宣神明毋執

先聖今指其妙學者又當神而明之以通其爰

問人兮品倫何定

如貴賤賢愚男女僧道其品不同尊卑長幼親疎其倫不一或大人夢之為祥小人夢之為殃正人夢之為福邪人夢之為禍之類當視其人之分位而推之

問地兮隅道何垠

如家居野宿山水村鄉或諸郡邑或邸寓空房東西南北之類地甚不同當隨地推論

問時兮循環無間

如晝夜十二時。四季。八節。二十四候。氣運互相衰旺。及春夢發生。夏夢高明之類。當乘其時候。以推休咎也。

問日兮飛走無停

如甲乙子丑干支各值晦朔。或望三旬。五行所犯不同。當究其生尅。冲刑破勝而推斷也。

體有帶兮訊所棲

如登樓。卧地。憑几。象衾。或在舟車之中。所謂日有舍。則夢強言而聲暗之類。不可不察。

心有祈兮叩所祝

或禱于仙宮神廟。志欲求名問利。預卜終身。或本無祈請。而所處時勢。如欲設病患之類。

情偶溢兮斷吾良

七情六欲。各有其常。過溢則發于夢者。難占。如恐甚。則夢匿之類。占亦不應也。

厲將侵兮馮吾穀

或妖厲強死之鬼依人爲殃如伯有爲厲之鬼或冥寃報復侵人爲禍如秦伯執晉人以踐妖夢之類古今有之亦當

察也

直叶不違兮疾剔籌而權趨權辟

作避

先有所夢應無差忒是謂三意夢如夢刺客則得刺客之類或吉或凶或醒而挑燈急宜趨避之也

比形得肖兮徐協象而揣合揣離

以形象相比擬惟其肖似與否爲比象夢如將范官則夢見棺之類

旁寓曲呈兮錯綜以詔

一人爲已夢已爲人夢是旁寄夢如一夢而關幾事幾人及夢遠應近夢近應遠貫人終身之事者爲曲應夢

非可一律論

背極妄至兮虛實攸岐

正夢反應者為背極夢如夢哭泣則晝有親別離會及
夢楚子監腦而戰反得勝之類陰極則吉陽極則凶即
反夢也又有夢似可疑而

迄無徵驗者為妄夢也

顯兮怪兮稽曩古而無占邇兮連兮質今茲而有應

夢有其顯明甚奇異經文亦無占說有
甚玄遠其平近而現在之事竟有徵應

倪固萬遷理非一定是豈篋端可究真非韋絕能窮

夢之變遷理之員轉非簡冊所可盡載
而占夢之業義理玄奧探討難精也

准之於理兮幽明齊眎

凡夢有可以理察者如日為君象月
為后象馬屬離離為火之類是也

體之於情兮悲喜難通

夢又有非人情可通者如將見孝服而夢衣絳
赤將得財利而反夢污穢沾身之類與情異也

文意義。考書點畫。任縷剖而條分。

推以文辭。則意與義。可以以細參。合之字畫。則點與畫。可以以指剖。

數若目。考姓若名。用掌陳而譜證。

夢中所示數目。所指姓名。或本夢無此。而以數目姓名。推之可通者。凡此之類。占夢家當周思其故。詳審其機。不得妄執。偏見也。

奚庸膠柱調音。尤貴參賢叩聖。

如見異夢。既當以經。臨通推究。又須焚沐齋戒。禱于先聖先賢。卜之易卦。以決吉凶。

觀兆易之凶吉。決靈機之咎休。

視易卦之或吉或凶。方可定夢機之為休為咎。

大覺帝聞竊媿達天人之際。小言略舉。敢云闡造化之幽。

占夢之術。非達乎天道人事之妙者。不能精。故謙言未至大覺。不得指點大夢。況夢乃神遇。真造化之幽幾。非易闡明也。

幾先。有幾。寔中。有寔。

夢之所示者。幾也。而此幾之先。又藏一幾。經之所著者。與矣。而其與之中。更寓有與。當精而益精。勿淺淺推測。矧彼詭說疣辭。寧足闕宗領竅。

至若俗本周公解夢。及夢苑全書之類。此皆邪說贅辭。豈足通其微妙。

謹埃專工于來襍。幸獲益損乎前賢。

又望後世有併業。專一精工者。或能增益收損。此書以備吾言所未及。為幸也。

儻受之者。重滋侮瀆。斯授之者。輕洩蒙譽。

此乃聖賢之言。天人之秘。不得妄傳匪人。自獲罪譴也。

夢林玄解卷之首

卷之三

夢占

地理部一

凡九類

地土

山水

巖石

河江

湖海

城市

橋路

田園

墳墓

卷之四

夢占

人物部一

凡三類

帝王

聖賢

將相

卷之五

夢占

人物部二

凡十類

后妃

賢德

節孝

才俠

寵妾

悍妬

淫奔

名妓

仙佛

神鬼

卷之六

夢占

人物部三

凡八類

彝倫

民庶

術技

夷蠻

優伎

奴隸

老幼

男女

卷之七

夢占

形貌部一

凡五類

身體

頭額

顙腦

面目

耳鼻

卷之八

夢占

形貌部二

凡九類

眉髮

顴頤

口齒

唇舌

鬚眉

喉項

皮毛

手足

筋骨

卷之九

夢占

形貌部三

凡十五類

肩脇

腹背

乳臍

腰腎

心胸

臟腑

腸胃

肺肝

陽腎

陰谷

精血

汗氣

膀胱

魂魄

尿糞

卷之十

夢占

政事部一

凡五類

科第

官祿

壽算

嘉禮

婚孕

卷之十一

夢占

政事部二

凡十類

疾疫

火盜

恩讐

殺鬪

毆詈

刑獄

喪葬

祝享

酬酢

起居

卷之十二

夢占

什物部一

凡八類

舟楫

車輛

文墨

器械

符笏

鹵簿

刑罰

幡幢

卷之十三

夢占

什物部二

凡十類

家伙

茶具

飲饌

爨具

店具

行李

雨具

牧具

網罟

農具

卷之十四

夢占

什物部三

凡八類

蠶桑

機杼

工作

梳妝

聘嫁

喪禮

祭器

樂器

卷之十五

夢占

棟宇部一

凡九類

殿宮

臺閣

宦署

第宅

倉庫

苑囿

關陞

園圖

神宇

卷之十六

夢占

服飾部一

凡十類

冠冕

衣衫

裘甲

舄履

衾枕

褥氈

帳幃

巾帶

囊帕

鐙釵

卷之十七

夢占

飲食部一

凡六類

泉茗

酒漿

五穀

蔬果

餽饌

雜物

卷之十八

夢占

蕃彙部一

凡八類

樹木

植木

菓樹

荆薇

草花

竹荻

水產

柴薪

卷之十九

夢占

飛走部一

凡三類

四靈

百獸

六畜

卷之二十

夢占

飛走部二

凡三類

牙族

水族

昆蟲

卷之二十一

夢占

珍玩部一

凡四類

金銀

珠玉

錢鐵

珍寶

卷之二十二

夢占

文翰部一

凡六類

書籍

經卷

史傳

佛老

詩詞

字畫

卷之二十三

夢占

名數部一

凡六類

名姓

奇名

異姓

定數

報應

雜驗

卷之二十四

夢占

長柳圖一 圖說 五屬事物

長柳五神傳變二氣發夢圖說

傳夢吉圖說 傳夢凶圖說

環傳夢吉圖說 環傳夢凶圖說

傳夢吉藏凶圖說 傳夢凶藏吉圖說

變傳夢吉圖說 變傳夢凶圖說

混傳迭化吉凶方圖說

混傳迭化吉凶圓圖說

因夢配五行圖說 乘夢配八卦圖說

五神各屬之事 五神各屬之物

陽氣盛極發夢圖說

陰氣盛極發夢圖說

陽氣虛極轉夢圖說

陰氣虛極轉夢圖說

二氣盛衰傳夢圖說

二氣虛實傳夢圖說

二氣俱盛見夢圖說

二氣俱虛見夢圖說

卷之二十五

夢占

甘德時令干支休咎圖一

天日月星

風雷雨雪

雲烟露露

地山水路

田園橋城

春夏秋冬

君臣父母

師友兄弟

夫妻子孫

眷戚隣里

卷之二十六

夢占

甘德圖二

冠衣裳履

樓屋臺亭

梁柱門垣

堦庭井灶

木葉花果

舟車書筆

刀硯鏡釵

耜網弓矢

頭齒手足

馬牛犬豕

麟虎獅象

鳳鸞鶴雁

龍蛇魚鱉

穀食肉食

茶蔬酒漿

卷之二十七

夢禳

夢禳說一

舍萌贈夢說

咸夢修省說

省夢須占易象說

六十四卦爻象之辭

納甲法歌

六神起位賦

卜易總略

論六親

占夢篇

論世應

論持世

論六爻出現伏藏

論日辰

論爻神

論德合刑冲尅墓空生敗死絕共二十段

吉神

凶煞

卷之二十八 夢禳

夢禳說二

寢室卧呪說○呪 臨卧諸忌說

解辟惡夢符勅真言說○呪

書符劒訣式 思三台厭惡夢呪說○呪

三台訣式 厭惡夢符式十道

太上老君禳惡夢符呪說○呪

逐日厭惡夢符式十二道

絕三尸符呪辟夢說○三尸姓名

斬三尸符式三道 勅符呪

主夜神呪說○呪 附夷堅志說

北帝呪說○呪

大道真君解除惡夢青童口訣說○呪

虎枕安神辟夢說

丹砂治惡夢說○○鵲鴝禦夢說

麝枕辟夢說 懷夢草說

龜茲枕記 何姑廟祈夢說

卷之二十九

夢原

夢原說一

素問

靈樞經

周禮

毛詩

周書

孔氏

莊子

列子

荀子

說苑

淮南子

孔穎達

史記

漢書

衛樂

論衡

殷浩

王叔和

蕭方等

白居易

六書精蘊

程子

朱子

黃庭堅

呂祖謙

輔廣

王晦叔

王潛夫

秦再思

倫道全

皆夢軒說

夢覺解

夢占逸旨

卷之三十

夢徵

天象類

天類

日月

星斗

雲雨

雪風

雷電

虹島

水火

地理類

山水

河海

江淵

城省

關塞

橋境

園地

墻岍

坟墓

卷之三十一

夢徵

人物類

帝王

聖賢

將相

佛仙

神鬼

釋道

尋倫

卷之三十二 夢徵

形貌類

身體

頭額

眉髮

面目

口鼻

齒舌

鬚毛

手足

背腹

腸胃

政事類

科第

官祿

壽算

婚姻

喪葬

祭享

恩讐

酬酢

囑託

卷之三十三 夢徵

什物類

舟楫

車輛

器械

幡幢

祭器

樂器

印笏

家伙

梳妝

雨具

棟宇類

樓閣

屋舍

堂院

門梁

神宇

冠裳類

衮衣

衫甲

巾帶

衾褥

鞋靴

飲食類

五穀

酒羹

藥劑

蕃彙類

植木

草花

瓜果

柴薪

卷之三十四

藝文

飛走類

四靈

百獸

六畜

羽族

水族

昆蟲

珍玩類

金銀

珠玉

錢寶

文翰類

書籍

經卷

詩詞

字畫

名數類

名姓

前定

皇明鼎元攷附

三才圖會

卷一

總目終

夢林玄解卷之一

晉 稚川葛

洪原本

宋 康節邵

明 養吾陳士元 增刪

夢占

天象部一

天類

日月

星斗

○○○天類

天地相合 大吉

占

天地交暢于卦為泰。泰者君臣相得父母
雙寧亨昌之象。謀無不遂。求無不利。元吉。

天地者至尊之宰。厚載之元。從窈冥玄溟。頤濛希
穆中。動而陽。靜而陰。自有開闢以來。位上位下。化
生萬類。人得其秀而最靈。神氣之交。與本始合。故
見於夢。天氣為魂。地氣為魄。人之晝與則魂麗于

目故能睹焉。人之夜寐。則魄宿于肝。故能夢焉。神遊乎天地。此清貴之占。富厚之澤也。

天地分開

貞吉

占 上下。陽絕之象。貴者夢此。各位肅清。常日 夢之主。父母夫婦主僕分離。違背。

天旋地轉 吉

占 天運回。地候返。人事新也。此為氣運交亨之兆。文人夢之。指日登雲。步月平人。夢之。利干營謀作事。

日 改業遷圖。

天地黑陷 凶

占 此夢幽囚險墜之兆。黑者明之背。陷者平之反。凡象應天地者。夢此非吉。婚姻不成。交易不遂。父母不寧。官訟不理。凡事宜小心警懼。或志氣昏惰。神思驚惶。有此兆。

天日雲山朗霽 吉

占 天下有山雲間有日月萬物相悅喜氣奕奕天日朗
霽大明中天之象也雲山朗霽瑞霽凝蒸之象也

天開大吉

占 乾象弗開俄然劃開遊魂所達奇瑞天來此為貴
人遇時之象主得大財逢大貴兆應重新事無不

泰也夢天開放彩者富貴之象萬倍尋常大吉○
夢天高亮陽明顯達之象事事亨吉○夢天昏黑
者意多鬱抑主事不明○夢天崩裂凡百憂虞上
危中決主有大喪大敗○夢天低近身主被寵承
恩天臨其身承天者榮也○夢天作悲鳴主凶喪
大故四境兵荒○夢投天河中不利濟涉之象○
夢天色將曉年華方盛○夢天晚無光主晚景淒
涼家道中替○夢天尊呼喚者大吉惟病人不祥
○夢飛上天文人大吉身生兩翼者主
夾助之力○夢天行餘馬主四海安寧

天開九重吉

占 天門者貴地也凡居權要
者一重一位循此為推

陶侃夢生八翼飛而上天見天門九重已登其八唯一門不得入闕者以杖擊之因墜地折其左翼及寤左腋猶痛後果都督八州而止

天上登天 貞吉

占 天行健君子以自強不息夢此者名上加名利上增利登天則七政五行皆屬于下安富尊榮之兆

渡天河 大吉

占 雲漢問津銀河登岸凡事得濟諸人風便夢者主男女情得意得通幽期密約會合有緣功名吉謀為日 遂凡事有扶携濟渡也

廣州潘梨與婦期春日成婚客外貨殖一疾幾斃醫藥莫療已稍信至家矣其婦忽夢身渡天河解者曰郎君當得歸耳不日成匹家人未之信潘果疾愈而歸遂與婚焉

二天三天四天九天

占 夢二天者主得人覆庇。夢三天者主有奇遇。
曰 夢四天者主入空門。夢九天者主證去修。

三十三天天內有天

占 夢登三十三天主意外超。
曰 拔夢天中有天。怙冒重重。

天衢步 吉

占 何天之衢履而得亨。文人夢之遂志。仕宦夢之加。
曰 官婦人夢之予貴。行商夢之利倍。僧道夢之仙遊。
疾病夢之不吉。謀事通達。詞訟大勝。貴人扶持之應。

上天鑒池 吉

占 鳳飛振羽集天池。鑒井逢源又失雄。
曰 圖利問名君莫阻。乘高盡力一生資。

洞中窺天見光 大吉

占 玄中之玄。明光洞達。富有素暗。投明。
曰 之喜。名利漸通。官訟得白。病者將痊。

升天立橋上見牌額 大吉

占 此所履者象為雲梯所睹者象為文衡文士夢此攀龍附鳳在位者必官升極品之兆也

天上獲稻 吉

占 此夢功名商賈交易宅舍酒食謀事田土婚姻諸事皆吉孕婦夢此必產麒麟之子

天上掘塚露棺 吉

占 此為貴人遇貴之夢也掘者非地露者為官貴人得此天官之爵大昌之象

天晴雲雨散 吉

占 重陰開憂疑解霽色來胸懷泰凡求功名謀財利先難後易之兆也

升天大寒受凍 吉

占 此夢兵戈爭鬪之兆寒如素凍如陣出兵大得奏凱班師平人夢此一番寒徹撲鼻生香

天上拜冕服王侯 大吉

占 乘高遇貴福祿榮華。時為抑折履養。亨嘉。日 錫天之圭受神之祚王公侯庶雲備得路。

與天神言語 吉

占 此為堂陛廣歌之兆。龍臨位至。奇。日 瑞異常。平人夢此亦非不祥也。

騎已上天 大吉

武士發從唐高祖平京師為太原郡公。自言嘗夢帝騎已上天。高祖笑曰。汝媚我耶。後讞次女為貴。后則天追冊為帝。

負人登天 貞吉 否凶

登天。貴之徵。負人。賤之役。人非其人。聞身既也。如。占 小臣夢負晉景公登天。而遂以從。墓為與主俱。日 之兆也。

金甲神捧已上天 大吉

占 捧上天履至尊也神披甲巨力助也作
布不善履神禍也德有所積獲天祐也

人推上天

占 此夢貴人得助病人得福之兆天地大寶其大
日 護王侯之象大帝師玉臣或夢推人上天者泰
惟疾病不利宜詳細之

見狀元遊天街 大吉

占 雲霄路貴人來見之吉瑞懷胎見主貴
日 人接引之兆若夢同遊則同登之兆矣

兵馬遍天 凶

占 此兆帝王夢之天下擾庶人夢之家庭
日 變經商交易財利虛功各爭訟多淫

上天求妻兒六親 吉

占 此夢遇緣獲慶之兆也升彼高明
問爾陰小積善者慶凡事有緣

上天見父母

貞吉 否凶

占 利見大人在田在天于夢為殃主入幽
日 冥之府父子團圓矣追薦保護無咎

與天女相會 吉

占 牛郎織女鵲橋初渡天際奇緣
日 婚姻有路相從吉人佳偶至也

君臣朝天 大吉

占 此為宗子家相一德同心如兩得之象也官員
日 夢之必有輔弼之任士人夢之必有功名之喜康
人夢之必有富貴之賄
謀望求財無不遂意也

抱子升天 吉

占 此乃父子同登之兆若未得子者必產
日 奇種瓊枝已得子者必主公侯卿相

上天見聖真求道

占 聖問主有進益科試主有人扶問婚成孕
日 生貴病宜藥求財吉凡事必有陰庇也

上天拜世尊諸羅漢 吉

占 於佛有緣江河之上獲利平安主修行
日 善果者得意悲感應福壽無疆之兆

天上對奕

占 此夢對壘紛爭之象凡事夢此勝則為祥負則
日 為殃和則為安天機一着應在三六九之數

天上坐 大吉

占 此為首級魁名之象也天者至高之位
日 坐其上高而過元科第則吉餘宜慎之

天門張榜

占 天門張榜各冠皇都榜上何人親
日 其有無如蒙昧不明不為佳兆也

補天

占 此兆。文人佐主中興。婦人傷夫再醮。凡百皆祥。

向天號泣

貞吉 否凶

占 號呼兮。父事空王。悲泣兮。母渡蓮邦。淺淺兮。夫奮蘭房。如素有拳心者。為誠意所感。必主得父母之也。惟心也。

焚香祭天烟上達 大吉

占 祭天祈寧而禱福也。烟上達。名傳而譽聞也。事事吉昌。功名尤貴。

天門赤色 凶

占 此夢。四方兵動之象。天門者。帝闕。色赤者。兵戈。四方騷動。一德能禳。

仰卧視天

占 伏龍舞鳳待時奮發晚年榮貴吉昌之光。卧者身在地仰視者目睹天為身倚實地得見天日之光。

登天欲上復墜落 凶

占 上天名位得也復落得復失也常人則主延年作事謀望恐有阻隔難成宜守舊。

天門開 大吉

占 關乾戶啓帝閣位高躋兆中興貴人夢之當遊關士人夢之當登雲路平人夢之當得家業豐財利通達若天門闔者功名不能上達經商不利日獲利凡事宜慎防有閑是閑非也惟求婚夢天門

開者不諧

薛安都夢仰面視天正見天門開及宋始胡登位乃歎曰前夢天門開乃中興之象也

臨天府謁天門 吉

至孝之居臨以三虛之神宦途赫奕福壽縣縣人必至夫榮盛諸道者必主召外上清平人家事

曰康寧吉無不利也

天開見金殿森嚴 大吉

占天開舒主國寧金殿呈主位登霞光燭身
曰森嚴寵臨仕進夢此朝天闕歷金門之兆

上天升屋 吉

占此乃吉祥進爵之兆夢之者遷移宅舍更改事業
曰官位高陞功各顯達凡百事貴賤之人皆得亨集

登天上月臺見羣仙 大吉

占步雲梯登月殿各舉彰而無疑
曰昭瓊姿會諸仙福壽綿而無算

攀天柱 大吉

占攀援旦夕忽騰驤攀柱王家作棟梁
曰闔閭必懷龍鳳種達人名譽德友彰

天青色 吉

夢本三

卷之一

占 此夢吉。事有祥之兆也。夢者功名遂。家業豐。經

日 科父母。寧子孫。賢丈夫。貴如夢。天色紅黃者。主

天上霞光燦爛照身 大吉

占 龍光。至災病全除。仕宦者必被。五服五章。貨殖者必腰纏十萬。

天壓已身

占 穆子夢天壓已身。弗勝。見旁有黑人。呼之曰牛。助

日 余乃勝之。後得豎牛。狀合夢中。乃使為政。穆子遂

天開眼 大吉

占 天舒目。察世人也。凡人夢此。事世主牧世民。日 食世祿。獲世利也。富貴異常。福壽駢臻之兆。

天張口舌

貞吉 否凶

占 此夢大不祥。爭訟不宜。營謀不利。作事不成。家道
日 不寧。功名不遂。婚姻有阻。口舌紛紛。慎之無咎。

以舌舐天 大吉

占 維彼成湯。獲此佳祥。命式九圍。綏撫萬
日 方。非至德之聖人。不可妄言此兆也。

捧天 大吉

占 此為匡扶社稷之兆。非大貴人。不足
日 當之也。女子夢之。當事貴夫。育貴子。

韓魏公知秦州。病數日。忽夢以手捧天。二次後。援
英宗于藩邸。翼神宗于東宮。定策兩朝。乃應其兆。

天缺一面

占 缺者。西北位也。往無攸利。大臣夢此。
日 面去一畫。為回。回天之力。補天之功。

背負天 吉

占 此夢身當重任之象。官訟不能遽勝。功名未即顯。
日 遂求利。費力求婚。男壓女家。病有鬼神。宜保讓也。

日 公卿得此為盡力主君
祥不德則為違天否凶

上天摘得蟠桃食 大吉

占 璿岩有奇種華食幾千秋
日 籌孕婦夢之必產壽星老人夢之必綿永算大吉

天女裁衣 吉

占 夢此者男逢美女情意相依
日 功名之士主宮袍傳御內衣錦看花回吉祥如意

巡天摸星 大吉

占 此兆凡人夢之官爵必應台宿
口 獲魁元家門必藏金寶子嗣必產麒麟

袍服飄飛上天 大吉

占 衣裾翩跹指日昇天此指文人脫白
日 掛綠指日面君有不假薦引之力意

天使賁袍笏至家 大吉

占 此夢最吉昌武職封侯文官拜相遷官陞位封妻
占 蔭子事事佳祥前程有意外超遷之象財利婚姻
占 酒食子嗣皆不謀而自至也

乘舟車上天 貞吉 否凶

占 駕車泛舟皆亨通之兆乘之上天一則登高可慶
占 一則憑虛可危當隨其人相共地而推之德藏否
日 也禍也

天開見燭光 大吉

占 黃離元吉夢此者功名高顯利祿豐隆凡百事得
占 見光明洞達之象天心照人自撰方寸修德以應
日 之文士即身被文光名譽彰著荷蒙天眷者

扶梯上天 大吉

占 各位陞遷極品榮華之兆青雲有路紫誥
日 重來凡事夢此大吉之象惟病人不宜

許渾夢登梯再上。天俄復墜下。仍從梯。循上三層而止。後應選。初擬首薦。及唱名。以貌劣。遂置第。三果如所夢。

天懸一鏡

占此夢蒼亨垂鑒之象也。天鑒在茲。不可不慎。求名遇貴。官訟得理。謀財懸望。未即到。手如照見自身者。當存妻妾奇緣。從天而賜之喜。

天樂合作大吉

占此夢天籟和鳴之象。父母順。兄弟和。夫妻合。官訟解。音信至。聲名起。技藝精。無不吉利。

一木破天

王敦舉兵。夢一木破天。以語諸遜。謂曰。非嘉兆也。時吳君同謁在坐。曰。木上破天。木字也。公未可妄動。公不聽。以至于敗。

張斌當應舉夢豎竿中天索統曰此未字也斌果倖按此夢如遇未年月日應

天鼓大鳴 大吉

占 天鳴鼓朝堂會集之象夢此者聲聞帝閣名傳天壤之王曆經曰君失德不從臣諫則天鳴在天則凶為夢則言

天上張網身被獲

貞吉 否凶

占 天上網羅人間牢獄征戰爭訟病人商賈諸事夢此不吉惟應該投軍之舉得取用之解

天神授經書紙筆 大吉

占 天授書筆皆吉兆也必當展經濟為大手筆如夢筆生花也細推其意詳瑞不能盡述

仰觀天文甚親切 吉

占 三辰列宿璀璨遊魂此乃胸藏錦繡家祿金珠之兆士人學進名高庶人業耕子秀事無不佳也或

曰 觀日月星辰。朗朗布列者。主帝王
英虞。文明聖哲之君。在位治世也。

天落錢 凶

占 錢乃金屬。金乃刑官。于世為利。于夢為貪。從
曰 天而下。天災可畏也。急須修省。以轉移之。

上天得大珠

占 吉人夢此。產貨子。獲奇福。兇人夢之。
曰 受災殃。遭天戮。應試夢之。當占大魁。

天上杏花開遍 大吉

占 天街路遍。杏花春。香。首占元魁之兆。如折得桂枝
者。科甲連登。醫士夢之。主術高施濟。女子夢之。主

曰 夫貴
子秀。

上天折蘭 大吉

占 此夢。幼瑞佩祥之象。功名大貴。財利富足。得賢妻
曰 納美妾。招秀女。主應春秋之月。必逢清貴之祥。

身飛上天變鳳凰 大吉

占 鳳凰易中玉變之者。人中鳳也。丈夫定為卿格。女子必配玉侯。交人遇試。必占魁元。以文章名世。

跨鶴升天 吉

占 此象。老人夢之。福壽綿綿。文人夢之。秀發翩翩。姊妹得成。疾病得痊。

聞天雞唱

占 雞人初報。玉皇宮傳道。神仙第一峰。提醒世間。儘儘子。一聲寒闕。旭方東。

乘龍上天 吉

占 乘龍御天。大為貴象。文士占龍頭。武臣掛蟒袍。之兆。遇婚姻。謀望俱吉。

光武帝夢乘龍上天。覺而心中動悸。馮異賀曰。此天命發于精神。心中動悸。大王慎重之性也。遂定議。即皇帝位。

孫奉伯與蕭道成同寢。夢道成乘龍上天。奉伯在下。捉龍脚不得。覺謂道成曰。公當大庇生民。保我不得見也。

抱麒麟下天 大吉

占 天上麒麟懷之下降。乃大貴之象。人若夢此。必得奇異之子。初仕夢此。當遷豕禱之職。

登天跨犬

占 犬字如狀字。登天跨之。應試主列魁名之首。兆中狀頭也。常人夢之。主多得子。淫慾須節。

白魚化龍飛上天 大吉

占 此乃脫白衣錦之象也。文士夢之。蛟龍雲雨。從此飛騰。若富者夢之。大非佳祥耳。

天上蝦蟆吐彩 吉

占 蝦蟆。垂之微。月之魄也。吐彩天宮。文章煥發之象也。今人夢此。雖日前貧困。異日必有發榮。應在秋

日月或望月
大為吉兆。

〇〇〇日月

日月同宮 大吉

占主爵祿榮耀易卦為鄰大睽當天繼照四方之象
夢兆此者父母俱泰夫婦齊眉子孫孕育凡事向明
也之兆

日者陽精之宗人君之象月者陰精之宗母后之
占日廣徑千里周三千百里月小於日數里日光所
照徑八十一萬里周二百四十三萬里日行四極
代為晝夜月體近日則光虧遠日則光漸滿月與
日同度為朔而無光衡分天中為望而光滿行于
白道與黃道交處在朔則日食在望則月食故日
月光華天子與后治教之休陰象相得之道日月
蔽蝕天子與后職業之失陰陽劍勝之形見於夢
寐大氏以此
理而推之也。

日月生草 吉

占 主年豐大有田土豐熟宅舍康寧營謀獲利酒食
日 夢有萌兆
隨事須詳

日月交蝕 凶

占 此兆主侯夢此必主征戰平人爭訟夫妻反目
日 者鬼侵大不祥也為商賈防小人陰害宜小心

日月雙吞入腹 大吉

占 此夢必產大貴兒生大貴女主侯之種
日 后妃之祥也主建勛猷享名譽之兆

日月着身 吉

占 日月迎身主祿位加陞也婚姻吉產孕貴商賈利
日 福祿沾身之兆周西伯夢之而其子武王為天子
是大貴之占
不易得者

日中天 大吉

占 此太陽方中萬物光明之象王公夢之世運熙隆
此當有日中則昃之戒餘獲吉無寢也○夢日破
裂主男子有災○夢日中有人主奸細○夢日中
雷聲功名驟顯之占○
夢身在日中主榮貴

日初昇 吉

占 此兆位將陞福將至業將興病將起
子將生財將發壽將增人將到也

二日十日或日無數

占 夢此皆羣雄並起天下不寧之象平人
主陽精不固氣體虛浮必火症發也

日出雲霞映射 吉

占 孤陽初振彩霞生中有龍蔥佳氣萌
日光射蘭昆運新轉焉然騰出鐵圍城

日黑暗 凶

占 夢此者。諸事不佳。國主弱。家主昏。奸邪欺蔽之兆。
日 常人夢之。防父母憂疾。婦人夢之。防夫主喪亡。

日墜復昇 吉

貴人夢此。職落復起。文人夢此。前屈後伸。家業中
與官訟得勝。產孕危中得安。疾病死裡求生。行商
占 遲而得利。凡事宜謹慎。修省。保。獲。懺悔。方吉。如夢
日 墜不起者。大凶。或墜于家庭。及懷抱之內者。又

為吉兆也。

日關

貞吉 否凶

占 天無二日。土無二王。關者。爭雄。征戰之
象。平人得此。主與人爭訟。及養父有言。

日出輕雲掩

元歸陽。毋楊氏。夢朝日出。東山上。有輕雲來掩
之。因名曰陽。後登進士官。至集賢學士。為名臣。

日缺半輪 凶

占 月有圓缺。日無盈虧。夢此者。主至尊。駕幸。雙親身損。諸事不利。大不祥也。

雲開見日 吉

占 此夢為臣遇君。僕得主。訟有理。商獲利。日 舌散。疾病除。凡事吉。慶非常之兆也。

日沉水底

占 日為陽。水為陰。陽在陰中。主陰私得遂。隨有獲。貞凶。有孚在道。以明何咎。日昃之離。不鼓缶而歌。則大耋之嗟。凶。

掘地出日光赫赫 吉

占 鑿地得金烏。其光奪人目。貴人夢兆之。載寢。奔驛。發土人主草野遇英雄之主。平人主家園發豐裕之財。女人主得奇兒。

登山捧日 大吉

占 登高山而捧旭日。履帝居而輔聖君。

程立夢登山捧日。後事魏太祖。以夢吉之。太祖命加日于立上。改名曰昱。唐楊炎夢登山視日。日赫然有光。以左右手捧之。後登宰相之位。

日蝕 凶

占 此兆。帝王夢之。夷虜相侵。官員同察相。蝕日。平人。椿萱憂患。手足痿痺。病者。鬼神作祟。

日繞城營 吉

王敦將舉兵。明帝密知之。乘馬密至。察敦營壘。時敦正晝寢。夢日環其城。驚起曰。此不黃鬚奴來也。見于夢。則天命有在矣。何至其禍敗乎。

山啣日 大凶

占 日在上。山在下。夢此者。主下人懷欺之
日 兆。臣弑君。子弑父。僕弑主。大不祥也。

入日宮見聖真大吉

占 步乾戶。謁真君。爵位高陞。名譽彰著也。平
日 人夢此。事業隆盛。羽流夢此。道術精通。

神女授日吉

占 此為孕獲麒麟枝生金玉之象。夢之者。必產
日 王侯之子。大吉祥也。若捧日納口。所孕尤奇。

一鬼負日

占 日乃陽精。鬼為陰祟。陽被陰欺之夢。功名未遂。後
日 當魁選官。訟難理。謀利有阻。病者祭賽保禳為吉。
日 作事俱有奸邪。為耗。惟婦女夢之。所私
有約。當存陰人引之。而至。必得懽合矣。

羣兒弄日輪飛轉大吉

占 係小子失丈夫。係丈夫失小子。隨有
日 求得利。居貞。幹父之蠱。存子考無咎。

抱日大吉

占此夢位至公侯子生唐聖之兆。平人夢之凡有營謀圖望只在旬日之見必有喜氣來臨。

日中考試對策吉

占夢中考試又在太陽之宮無不美利也。凡所謀為若有神助事事吉利。

負日而行大吉

占武臣兆此身建元勳文臣兆此功扶社稷乘麾持節天使奉勅之象也。

漢王美人有娠畏何皇后性忌欲服藥除之數夢負日而行藥下胎安不動遂生獻帝而美人卒為后娼死。

騎日上天貞吉

否凶

占跨日升天乘陽載高上心火身熱之疾貴人夢此必登寶位老人夢此大為不祥。

洗日色倍赤 吉

占 忠臣浴日。明主中興之象。常人得之。主改舊
日 更新。蘭桂重生之瑞。士人得之。文章煥發。

日光入戶 吉

占 日光入戶。主貴人來也。求名。存意外之遺。謀財。有
日 望外之獲。產孕。有奇異之祥。凡百事皆近貴。榮寵
臨門。又有日光自窗中照身者。必生
大貴之子。如北魏文昭皇后是也。

雙日照戶

占 此兆主有貴者。聯車而至。喜氣重重。
日 福祿綿綿也。孕者。主得雙貴子女。

日出屋內

魏主拓拔珪。拜賀皇后。因遷徙。游於雲澤。夢日出
室內。俄而見光。自牖達天。有威。以建國三十四年。
七月七日。生珪於參股。

負日出井中 吉

占 日者雞象井者窠形負雞出井主扶大貴人于患難之中夢此者囚人遇赦臥病逢醫產育易生應

在酉年生者更佳

日華五彩 大吉

占 此為富貴光華之兆也貴人夢之主權執日隆文章日進常人夢之主事業新榮壽命還永病者痊

日 孕生貴百事無不亨吉之兆

吞日 大吉

占 此夢仕者夢之必登相位文人夢之必擢魁元孕者夢之必生貴子此大吉之占也

陳霸先嘗夢天開數火有朱衣人捧日令霸先開口納而吞之及覺腹中尤熱後果登宰相之位毛貞輔累為邑宰應選之廣陵夢吞日既寤以問楊廷式楊曰此夢至大非君所能當若以君言之

當為赤烏場官也。果如其占。以此推類。可見占者宜隨其人。隨其事。隨其時地而論。不可泥一而已。

日宮設宴 大吉

占 此夢宴赴瓊林之象。仕宦者當蒙賜宴。尚食文士應食天祿。既廩之榮。

日食懷中 吉

占 此夢士人主佩玉璽金章。婦人必產龍兒。鳳種吉祥異兆也。若經商謀利。必得大財。

日墜頭 貞吉 否凶

占 太陽之精墜于諸陽之首。夢者當遇貴人。姓各加月。事機可測。

日光照身 吉

占 此光君恩也。照身寵至也。大則兆應王公。小則功名榮顯。文武恩綸。商賈獲慶。疾病好。是非散。女人

日 孕 貴

六

日占

大吉

占口

吉

日占

大吉

日占

日逐逃避

北魏高夫人夢日所逐避于牀下日化為龍繞已數匝寤而驚悸遂生世宗于平城宮中。

射日落地

占 日落地主不祥也。日者首象也。射落者中象也。落地者獲取也。士人夢此大吉。武士夢之中舉有新將之功。商賈夢之取利倍常。爭訟夢之必得全勝。

見日內有文字

占 此夢文明之象。功名遂志。餘以文字之意推之。當有別應。或文學日進。制作垂名。

日宮折花 吉

占 日宮兆為春宮。折花兆為折杏。文人主登雲步。月媒人主配虎諧龍。平人主生貴美之女。

乘龍逐日 大吉

占 此夢士人夢之。主辰年擢魁元。近天子。大展經綸。宏濟蒼生。王侯夢之極貴。常人莫及之兆。

夢占

卷之二 日月

二

夢占

齊主蕭道成年十七時夢乘青龍上天西行逐日後果受宋禪

驅牛挽日吉

占牛有角日加頂夢此者加官陞位丑年月應

閻英夢日墮其居黃山下水中村人以牛車挽致不出英獨抱載而歸後官至散騎常侍

鳳鳴立日中大吉

占鳴鳳立于富陽夢此者主朝廷之上有忠諫之臣其在常人亦雞巢之鳳凰主丹穴生雛

日中鳥飛出凶

占鳥乃惡鳥出則皆非吉兆帝王夢此朝廷必有奸黨群聚庶人夢之日無鳥為凶防有閑是閑非

日月飛旋貞吉否凶

此為詭華易謝之兆日月行如電老者夢此前途有限學者夢此寸陰宜競餘細推之

日照葵花 吉

占 葵乃向陽之花。葵心向官。日光被葵。君臣相得。明良相慶也。夢此者諸事必得忠心扶助。

日化龍 吉

占 化龍變鳳。皆為貴象。日乃雞穴。酉年生者夢之。更吉。人臣夢之。遇明主。人子夢之。主親壽。

日生一角

占 日一角。白字也。角者冠翅也。文人夢之。白屋書生。頭角崢嶸之象。

月圓明亮 大吉

此夢光華圓滿之象。月圓大位也。明亮得光寵也。凡事享福無不遂意。婚必合。孕必貴。各必揚利。必倍。訟必理。病必瘥。家道昌。壽命永。存所期。終應于卯年。月及望日也。○夢月初出。非聯佳偶。必產祥麟。○夢月變為日。主生子受妻之制。○夢有幾月在天。主添妾婢。○夢月有翳。主右目疾。○夢月光

四散主陰事
散陰人難

月暗

占 月陰象。暗。陰中之陰也。孕婦則吉。餘主母有憂病。妻有災殃。凡事皆曖昧不明之兆也。

新月如鉤啣大星

占 新月啣星。兆主女。主信老臣。幼君侮宰職。凡人事幼者。不宜夢之。又存少女懷貴孕之祥。非一論耳。

月墜落 凶

占 此夢主國母凶。憂之兆。凡功名商賈交易諸事皆為不祥。病人孕婦尤為不宜。父母妻妾防有大悔。

登天奔入月 吉

占 天者始位。月者仙宮。登而入之。當大貴也。惟在縹緲不得脫。之兆。人尤為不祥。凡形兔兔形兔登天入之。危之兆。

燒香拜月

占 此。乘。男。女。夢。之。主。有。私。情。暗。約。凡。如。婚。妻。妾。當。得。夫。主。權。心。事。事。隱。暗。之。中。必。有。際。遇。吉。祥。也。

月忽雲遮 凶

占 此。兆。下。人。欺。上。之。象。月。被。雲。遮。君。被。臣。蒙。主。被。奴。欺。妻。被。人。疑。行。人。阻。音。信。隔。訟。不。理。名。不。遂。利。不。通。病。未。痊。母。有。悔。

登山攀月 大吉

占 兆。主。乘。龍。嬌。嬌。也。功。名。秋。榜。首。經。商。秋。利。興。酒。食。豐。需。子。嗣。榮。貴。

林中明月 吉

占 雨。木。成。林。兆。戰。爭。太。陰。明。耀。氣。豪。英。霜。翎。一。矢。將。軍。勝。凱。皆。旋。師。四。海。寧。

山啣月

占

長一 日月

三

妻占

占 月在上。山在下。月為山所啣。上陵下替。入山獲兔。又為月屬陰。山屬陽。陽克陰之象。因人而占。

月出海中 吉

占 此乃財源興發。子姓連生之兆也。謀望無不遂心。婚姻成。財利至。孕貴子。名譽起。僧人夢之。不悟宗門旨要。當來穎秀孫徒。

波底映月 凶

占 月沉水底。凶象也。夢此者。功名子嗣。皆如水中之月。經商無利。婚姻不就。諸事不祥。

抱月 大吉

占 月為天使。公侯之象。婦人夢之。主得大貴之女。男子夢之。主得賢美之妻。

挾入月中 吉

占 何仲舉母。嘗夢挾其子入月中。俄而被召。登唐長興進士。

射中月

占 月者。秋試之期。射中者。得舉下象。平人兆此。事業興隆。武將兆此。戰征大勝。經商獲利。咬獵得兔。老

日 人喜發孫枝。

晉呂鑄夢射月中之。退入于泥。占者曰。姬姓。日也。異姓。月也。射而中之。必楚王也。退入于泥。亦必死矣。及戰。射共王。中目。共王命養由基射呂鑄。中項。

月中見放榜 大吉

占 此為秋闈捷喜之兆也。既見其榜。有各無名。識名。已各必記之。真。

月中娶妻 吉

占 主有王侯之女妻之。太陰之府。姪婦居也。得諧其偶。天仙降也。夢此皆利。

洒掃月宮

夢林玄解

卷之一 日月

主

夢占

占 豪門女奉箕箒閨中婦胎星斗士人
日 夢此是掃除以待其步也應試必利

月入懷 大吉

占 月為貴敬懷為孕象
日 他家之裔弄瓦弄璋

王禁妻李氏夢此生女政君年十八入掖庭宣
選令侍太子得御幸遂生成帝以至北朝齊衰后
宋劉后俱兆此夢之
祥而生大貴之女也

月光照身

占 明者光之發光者身之寵有夢此者產鳳乘龍陞
日 官遷位平人夢之營謀得利事事亨通婢妾夢之

家主眷顧
種種生祥

捉月

占 否凶
日 此夢獨利文人應主卯年定有桂折天
奇龍騰禹浪之祥也亦主得貴女之兆

月中有身影 吉

占 月窟仙宮也。內有身影。名登天麻之兆。文人大利。
日 老人病者。則身入陰虛之地。不為佳。祥。小人夢之。
主得酒肉之喜。

遊月宮

唐玄宗夢遊於此。有淫惑之心。因得太
真。以危天下。今人兆此。正則吉。邪則凶。

月繞房屋 大吉

占 陰之精。環室行。孕秀貴。旋在隣。夢此者。問名將起。
日 問利將通。問婚女求男。問信陰人傳。官訟有人。和
疾病所陰私之鬼。祭月李太陰真君。
方保平安。凡事主有光彩臨門也。

月穿入戶 吉

占 主有美人私至。振雄夢之。必招貴。
日 女亦主遠信至。或遠人來顧之兆。

月入樓懸標上

貞吉 否凶

占 此兆家室光榮招妻納妾之祥也。若女
人夢之。主有含情懸標自縊。宜深防之。

月墜井中 大凶

占 此夢兇逢害之象也。功名不遂。反受坎河。經營
日 無利。恐有險難。官訟防婦人牢獄之災。小口陰人
有傷。不吉。

帶鋤人坐月中

占 月屬陰。鋤助金也。坐安享意。主陰人
日 內助得力之象。亦主國泰年豐之兆。

月裡美人折花喚 大吉

占 美人。仙娥也。花。仙桂也。喚有名也。文人夢
日 此步蟾宮。攀秋桂。平人夢此。主得貴子。

月中鬼舞

貞吉 否凶

占 得敵。或鼓或罷。或泣或歌。月幾望。馬匹亡。此為少陰伏處太陰。羣小朋奸。燭蔽陽明之象。惟文士夢之。必占。魁各。

吞月輪 大吉

占 月入口者。貴人入腹也。大吉之兆。又主文人才學日進。表裏通明。為宇內名士。尉遲裴氏夢掌月輪吞之。席而有孕。是生神僧。為慈恩教主焉。

兒從月中墮

占 月主陰屬孕。婦夢之。主胎落。或見兒墮。而以手取之。以衣承之。又為產貴吉兆。如范純仁母之類。

卮中飲月 凶

占 兆主虛花無實。酒中之月。有影無形。存光無彩。夢此者。功名不進。商賈無利。婚姻孕育。皆為空喜。卯酉之期。不宜作事。

衣帶駕空取月下 大吉

占 繡帶。解。解。高。駕。姪。姊。弟。臨。凡。
日 片。勝。冷。冷。霄。漢。頻。添。酸。酸。生。香。

月飛入袖 大吉

占 此乃陰情入懷之兆也。夢之者主
日 得貴子。賢姬。名利亨通。諸事大吉。

月華 大吉

占 夢此者為貴。為富。為壽。為妻。美。為子。貴。為女。秀。為
日 父母康寧。為福至。為寵臨。為年豐。海晏。萬物光昭。
華美之象。

兩月相擊

占 王。侯。之。府。宮。闈。見。姤。土。庶。之。家。闔。室。爭。姤。陰
日 人不睦之象也。經商防有同伴暗謀。慎之。

月入船 吉

占 夢此主有不求之顯貴不媒之妻妾惟經商者不
為吉兆。月象金。然兆木。金來尅木。陰來侵陽。光未

日 奪目也。

登梯摸月 大吉

占 登梯足上升摸月手得瑞。平地升
日 天必用雲梯。文士飛騰。平人遇貴。

開卷出明月 吉

占 開卷見蟾宮。蟾宮垂奇彩。文人夢此。
日 取秋解。占春魁。平人夢之。未為不吉。

名字在月中

占 此夢各題桂籍之兆。常人夢之。當有大貴之人出
日 于其地。病人當主各登魁籍。須急保讓。乃無咎。
聞澤年十三時夢見名字
丙然在月中。果有聲當時。

珍寶裝成月 吉

占 群仙拱壽玉萃瓊圖。科名之美。妻妾之娛。又主仕宦建立奇猷。文人制作名世。百事皆吉。

入月取寶 吉

占 寶者文明之器。商賈之財也。求名貴于卯酉。利風水也。主得奇穴。大利風水也。

月裡有花

占 元月。魯不花。中式。浙闈第一。方揭曉。試官夢月。中有花果符其名。後登進士。死後難。贈謚忠肅。

月中折桂 大吉

占 夢此顯兆。文士不必用占。但巳中舉者夢之。不能登甲。平人主生貴子。女子主配貴夫。

蚌化月

貞吉 否凶

占 此乃冊妃為后。易妻為妻之兆也。寒儒主兆。乘龍。貧人主若奇貨。富以綢。寵為重。慎之。

麟生月殿 大吉

占 月殿陰之宮。麟生子之兆。夢此者。孕必生男。子衆苦之地。因頓在前。祭達在後。主爲盛世之祥。不作日 民家之瑞也。

月裡栽蘭 大吉

占 仙。蘭栽仙種。天葩散曉香。夢此者。兆主室日 生賢子。庭長瓊樓。亦主得賢友相資之益。

蒼龍繞月 吉

占 龍屬陽。月屬陰。陰陽交泰。大吉祥也。亦主日 陰人懷孕。必生貴子。至望日當降生也。

〇〇〇星斗

大星明朗 大吉

占 大星公卿之應。明朗祿位顯也。革故鼎新。欽日 天治曆。夢此者。當有正人扶持成國成家。

星主文章有三垣有七政有二十八宿有衆星焉
象氏掌十有二歲十有二月十有二辰二十有八
星之位辨其氣事以會天星冬夏致日春秋致月
以辨四時之叙則星之見于夢者宜以辰次爲候
分野爲推因地因時文明所耀非
尋等之占蓋星者元氣之英華也

星行動吉

占此夢元英移舍權位陞遷之象常人夢此改舊置
新求利轉方求名遊學官訟別訴病者獲星孕防
墮婚不成行人歸音信至聞中夢之主
有媒至寡居夢之主有子女來探也

星行列整

占星宿分位大君得臣主人添僕也兄弟協睦妻妾
安順子孫茂盛士人文章進益平人財利充盈

星辰散亂

占星辰者群工象也散且亂曠官越俎直隸辭
朝主大臣憂危之兆平人作爲紛擾不順

星芒光彩

占 此乃光芒綢彩文章盛進之象。女人得之。子有文譽。夫當榮顯。五星聚奎。太史奏賢人聚是也。

流星墮地 凶

占 流星體不寧。墮地命應傾。其人非所當官。非旦夕臨。流星主賢士墮地者。獨謝之象。有光主享貴。

接大星如虹

占 孕生睿聖。勿妄觀也。

昔少昊之母曰嫫祖。感大星如虹。下臨華渚而生帝。以金德王。號金天氏。能修太昊之法。以鳥紀官。

作大淵樂。

星如月明 大吉

占 吉曜弘明。運命亨嘉。文士夢此。台階之輔。兆無不慶。天子養老尊賢。俊傑在位之應。

占

占

占

占

天星搖動隕地 大凶

占 星者尚書之位。元氣之英。殞地則散。大臣當焉。天有流星隕地者。主體不寧。官訟至。飛災來。宜謹避之。如王珙道士之夢是也。

星月雲霞 吉

占 君君臣臣。父父子子。夫夫婦婦。兄兄弟弟。國國。日 康泰之兆。夢此者。當存秀貴子孫。以文章各世。

流星入口中 否凶

占 流星者。飛殞也。入口者。附非也。主官訟不得辨明。疾病不能脫體。財利爭競。必費口舌。惟文人孕。日 大為吉祥。行人即至。音信口傳。

巨星入懷 大吉

占 星體各殊。其名不一。巨者。日 納壤。才各之特。產赤子矣。

掌列星文 大吉

占 位居極品。祿食萬鍾。排羣雄于掌握。
曰 攬法界于稊毫。夢此者。富大貴也。

吞星 吉

占 碧落沉沉。俯太陽。台芒入口。異音梁。
曰 懸知咋運。非無種。留得瑤瑤與夢長。

星流不落 貞吉 否凶

占 流而復舍。兆應遷移。病人有救。
曰 遠行未歸。懷孕未產。求利虛浮。

足履星樞步

占 北齊高祖高歡。夢履眾星而行。寤而自喜。後果
曰 代魏為帝。夢此主爵位崇高。威權在手之兆。

三星照戶 大吉

占 兆主富貴壽徵也。夢此者。貴至三公。富有三世。
永三生。女子夢之。姻期甚遲。切勿私奔密約。反致

日 玷辱也

星墮卧内 吉

占 星墮者在地成形卧内者產育之地文士上
日 應列宿當大魁天下不于其身即于其子孫

大人星

占 夢此者福壽無疆子孫瑞秀○或云此星即穀星
主五穀約三十六星春如衣冠拱立夏漸鞠秋漸
日 俯以求秋成也農事畢則隱矣夢
之主年豐家裕秋收大熟之兆也

文昌星 大吉

占 兆主文明才名大利女人
日 夢此夫榮子貴大吉昌也
呂思誠母馮氏夢一丈夫烏巾白襦衫束帶揖母
日 我文昌星降也及寤遂生呂日有神光人已異
之

金星

占 金星應於秋令。司殺。一曰太白。又曰長庚。仕官
曰 夢此。必遷刑曹司冠之職。夢光芒奮張。主兵兆。

天狗星

占 流星。即西北三大星。有光見人面。墜有聲者。
曰 為天狗。夢之主殺氣。家事落。或有喪明之悲。

神人授大星 大吉

占 利用為大作。元吉。或益之十朋之龜。弗克違。永貞
曰 吉。王用亨于帝。吉。有孚惠心。勿問元吉。有孚惠我
德。主產公
輔之子。

箕化星 吉

占 其伯。鳳神也。化而為星。星有箕宿也。仕宦不之遷
官。陞位。商賈夢之。厚饒多藏。凡夢此者。兆主天時
曰 有大風雨至。或云有客至。又
主口舌。防有小偷。宜備之。

呼犬上天成大星

貞吉 否凶

占 此彖凡脫胎仙之兆。文人得此。戌年獲第。戌年遇官。孕者。子應星宿。病者。象應昇天。主戌年月日。

帝星明爛 大吉

占 聖帝文明。時雍國泰。帝星名鎮星。天子之星也。天子失信。號令不一。則鎮星大動。其色昏而不明。鎮星光明。黃潤。主天子信令大行。天下從而化。夢此者。福壽康寧。好德之兆。

北斗輔星 吉

占 威行虎。惟帝王之師。北斗有九星。七見二隱。第一樞精。第二為璇。第三為璣。第四為權。第五為衡。第六開陽。第七瑤光。樞精其主帝也。第八第九。乃帝皇太尊精神。夢此推之。詳矣。呂尚釣于磻溪。夢得北斗輔星之神。告以佐仁伐暴之意。後遇文王師之。因輔武王伐紂。

北斗昏 凶

占 各高不顯。意表憂疑。夢此者。凡事須謹。婦難孕。青
難延。當祈賽。延福。應主七數。病在喉舌。若論朝廷。
日 當主謀官不職。

手執斗杓 吉

占 此兆執掌朝綱。權傾四海之夢也。如夢執
日 呈者。女配貴夫。僕投明主。亦壽命之兆。

立北斗下

袁郭初應舉。夢立北斗之下。人曰。子列北
斗第七位矣。覺而且喜。果以第七名登第。

衣裾燦列斗象

此夢文臣得之。主賜侍御之服。武臣得之。主有
玉之榮。婦人夢之。主存霞鳳之褱。老人得之。主服
僧道之衣。病者喜。捨亡
星神袍神旛保。釀無咎。

夢林玄解卷之一 終